

陶

齋

臧

石

記

旬齋藏石記卷二十三

唐七

尹伏生塔銘

石高八寸二分寬九寸十一行行十字字徑五分正書有基格  
四周有花紋

前任□□將軍京兆府宿衛折衝尹伏生塔銘并序

粵我尹公□用標奇神悟天縱欣然獨得何啻天道芒忽逝水先  
驚百年俄□男孝忠遂擇□山恭建茲塔慎終追遠幽靈有憑雖  
拂石有虧而斯福無盡仰報深恩故勒斯記

大唐開元十三年四月廿六日男孝忠建立

右塔銘標題前任□□將軍京兆府宿衛折衝按新唐書百

官志十六衛左右衛上將軍各一人從二品大將軍各一人  
正三品將軍各二人從三品掌宮禁宿衛凡五府及外府皆  
總制焉凡五府三衛及折衝府驍騎番上者受其名簿而配  
以職尹君當是折衝府宿衛之官將軍上缺二字當是左衛  
或右衛從三品階也

思恒律師墓誌

石高二尺三寸七分寬二尺三寸四分二十八行行二十八字  
字徑六分正書有墓格

唐大薦福寺故大德思恒律師誌文并序 鄆縣尉常□□□文  
道不虛行必將有授受聖教者非律師而誰律師諱思恒俗□顧  
氏吳郡人也曾祖明周左監門大將軍祖元隨門下上儀同三司

徐蕪郡開國公使持節洪州諸軍事行洪州刺史父藝

皇

朝恒州錄事叅軍並東南之美江海之靈係丞相之端嚴散騎之  
仁厚以積善之慶是用誕我律師焉律師稟正真之氣含太和之  
粹生而有志出乎其類越在幼冲性與道合兒戲則聚沙為塔冥  
感而然指誓心乃受業於持世法師咸亨中 勅召大德入太原  
寺而持世與薄塵法師皆預焉律師深為塵公所重每歎曰興聖  
教者其在茲乎遂承 制而度年廿而登具戒經八夏即預  
臨壇叅修素律師新疏講八十餘遍弟子五千餘人以爲一切諸  
經所以通覺路也如來金口之言靡不該涉菩薩寶坊之論皆所  
研精天下靈境所以示聖跡也乃陟方山五臺聞空聲異氣幽巖

勝寺無不經行感而遂通所以昭靈應也嘗致舍利七粒後自增多移在新餅潛歸舊所有為之福所以濟群品也造菩提像一鋪施者不能愛其實達塗山寺一所有仁者於是子而來洗僧乞食以生為限寫經設齋惟財所極忘形杜口所以歸定門也諄秀禪師受微妙理一悟真諦果符宿心寂尔無生而法身常在湛然不動而至化滂流於是能事畢矣福德具矣以見身為過去則弃愛易明以遺形為息言則證理斯切乃脫落人世示歸其真開元十四年十一月廿六日終於京大薦福寺年七十有六初和帝代召入內道場命為菩薩戒師充十大德統知天下佛法僧事圖像於林光殿

御製畫讚

云云

律師固辭

恩命

屢請歸閤歲餘方見許焉其靜退皆此類也屬續之夜靈香滿室  
空樂臨門悠尔而逝若有迎者蓋應世斯来自天宮而輟降終事  
則往非人寰之可留弟子智舟等彼岸仍遙津梁中奪心猿未去  
龍爲先歸禪座何依但追墳塔法侶悲送且傾都鄙其年十二月  
十五日葬神禾原塗山寺東名顓託勝曰思陳盛義法教常轉自  
等於圓珠雕斲斯文有慙於方石銘曰  
聖立萬法法無二門以身觀化從流討源有爲捨棧無生定猿律  
師盡妙像教斯存我有至靜永罔息言亦以形逝留乎道尊有緣  
有福求我祇園

按碑敘思恒俗姓顧氏吳郡人其曾祖明祖元父藝仕于周隋

唐代史皆無傳其云祖元徐蕪郡開國公遍檢諸地理書從無徐蕪郡名徐字見集韻但云艸名而已其蕪字之見于地名者惟兗州魯郡有萊蕪縣亦非郡名此碑之所未詳也大薦福寺在長安開化坊南自神龍以後翻譯佛經並于此寺思恒終于寺中殆在寺有講明律疏之功也文又云初和帝代召入內道場命為菩薩戒師充十大德統知天下佛法僧事圖像林光殿唐之西內但有佛光寺在甘露殿之左不云有林光殿知天下佛法僧事者僧職也此職亦不見於諸書律寺設戒三壇菩薩戒在三壇之內有律師十人證明之十大德或即證明十師思恒殆嘗充菩薩戒律師也又裴灌撰少林寺碑云景龍中勅中

岳少林寺置大德十人則十大德亦各寺之僧職也和帝即中  
宗謚太和大聖大昭孝皇帝下卷法澄塔銘云中宗和帝可證  
也葬神禾原塗山寺東神禾原在長安城南子午谷陝西通志  
但有香積寺在原上不云有塗山寺蓋荒原廢刹為志乘之所  
漏略者多矣碑書世字皆闕筆作世用字闕筆作用王昶金石  
萃編  
右碑額篆書鄠縣尉常闕字一文無書者姓名及建碑年月以褒  
成之本必多脫遺也碑云俗姓顧吳郡人祖元隋門下上儀同  
三司徐蕪郡開國公自漢以後開封郡邑皆實有其地惟崇德  
褒聖則製二字以別之隋郡國志無徐蕪郡而此碑點畫未利  
二字無可疑者則何也碑有葬于開元十四年十二月之語故



列于此

葉夾芭金石錄補

誌云祖元徐蕪郡開國公集韻徐草名地理書無徐蕪郡名又云和帝代召入內道場和帝即中宗其諡號有太和字長安有僧法澄塔銘亦云中宗和帝可證是誌與後王守琦誌用字皆闕筆作用未詳避何人之諱唐碑中如契苾明碑石臺孝經華岳精享碑無憂王塔銘用皆作用說文云角本作肉从力从肉則用乃肉字之變東都事略載崔僊云刀下用為角疑六朝以來別體字用本有作用者故僊云爾亦以刀下用為角也則此誌非因避諱缺筆矣

黃本職古誌石華

右墓誌据金石萃編有益題大唐故大德思恒律師墓誌文

十二字篆書今佚誌云詣秀禪師受微妙理按宋釋慧明五  
燈會元北宗神秀禪師者開封人也姓李氏出家訪道至蘄  
州雙峯東山寺遇五祖以坐禪為務後住江陵當陽山武后  
召至都下於內道場供養中宗尤加禮重神龍二年於東都  
天宮寺入滅謚大通禪師張說之集有碑思恒終於開元十四  
年年七十六當神秀入滅時年五十五故得與聞神秀講論  
神秀有偈示衆曰一切佛法自心本有將心外求捨父逃走  
所云妙理殆即是歟

軒轅廷盈造彌陀像

石高一尺七寸八分寬一尺五分上鐫佛像一軀侍佛二軀  
十行行六字至八字不等字徑八分正書

維大廬開□□七年歲次己巳九月己丑朔廿四日辛亥陳州太  
康縣柱國子軒轅廷盈為三妻孔十二娘敬造弥陀像一鋪願三  
者德利苦難往生淨土供養佛時

徐固卿總兵

紹興

寓江甯城西國子橋戊申三月偶於後園

掘出此石造像北多南少間有北石南徙如道肱墨樂李義  
豐王馬生諸蹟著於錄者亦昉地志寓賢列傳之例云爾此  
獨出南省土中尤為難得第一行開下泐二字攷開元十七  
年歲在己巳知其為元十二字無疑咸亨四年韓寶才墓誌  
唐寫作廬此作廬尤異字

王道元造象記

石四面刻高一寸九分廣六寸  
二十五行行四五字不等正書

開元十八年閏六月廿日王道元先娉宋二娘為妻□□□樂師  
尔為親後問良師年命相尅去開十五年申二娘忽染重患恐  
緣缺下一金患愈今遂身殂□未刊石今始鐫字願亡者  
往生淨土早得生天見在安樂无諸灾障合家供養

右為娉妻造象因以年命相尅遂至絕婚其溺於祿命之說  
如此雖有呂才前此著論力詆而積俗至不可革迨後李虛  
中輩以是術鳴乘之而起惟既已離異仍為造象祝其往生  
淨土亦亡於禮者之禮要可為薄俗訓也

劉嗣仙造石浮圖記

有陰有側

夫天有四序星辰辨其次地有五方五岳鎮其域陰陽交暢則品物形矣精氣相射則神祇著矣霜露淒淒感候之悲同絕雲雷隱隱饒墳之恨乃除良以恩景不追慈顏永沒吾邱所以慟哭仲路由是長懷蔡順禍積私門□鍾莫大舉昊天而自冥臨凱風而未勝所以念彼劬勞伏斯荼苦含酸烟燧結涕泉扃切悲風於白楊泣淚光於紫柏更乃恩心淨域靖人禪遶庶魂住之南峯超六塵之苦道神遊北極□九天之上賓既而暑往寒來歲月繚遠然猶事、迫出与編戶而未羣耿、高標比齊眊而獨秀

維大唐開元十九年歲次辛未二月庚辰朔廿日己□孤子劉嗣仙次第嗣宗小弟嗣光妹大娘女婢張元太等廣發弘願抽減寶

財以塗良 功上為 神武聖皇帝下為七代先亡姊敬造石  
浮屠五劫見今成就建立在墳見前功德滋益過往亡者神生淨  
土見存者福樂百年

兵部常選人簡休祥撰書鐫勒人皇甫思忠

仙小姑：夫趙思訥 仙妻李 宗妻崔 妹二娘 五姑

夫杜昌進

信佛弟子李八娘 信佛弟子劉弘瞻 信佛弟子石二娘

信佛弟子張虔德 清信佛弟子見存宗母石一心供養

清信佛弟子見存仙母徐一心供養

清信佛弟子見存祖母張一心供養

清信佛弟子

下缺

右石中為浮圖上刻記文通鑑目錄開元十九年正月庚戌朔此云二月庚辰朔與目錄言三月己酉朔上下吻合神武皇帝元宗即位之初羣臣所上尊號此言神武聖皇帝本紀二十七年始有聖文之號知此聖字特尋常尊崇之稱非頒行之令典也嗣仙兄弟情懷罔極休祥之文悽惋絕世讀之令人悠然動容唐書選舉志凡選有文武文選吏部主之武選兵部主之簡君蓋應武選者文中隸事甚古霜露二句用小戴禮祭義吾丘當作丘吾事見劉向說苑卷十敬慎篇仲路事亦見韓詩外傳卷一文繁均不具錄雲雷繞墳用東漢

蔡順事附見於范書周磐傳中此文可以勸孝石墨之有涉  
名教者也

蕭令臣墓誌

石高一尺五寸四分寬一尺四寸四分二十五行行二十七字  
字徑五分正書有墓格墓高寬各八寸八分弱二行行二字  
徑三寸篆書有錢格

蕭君墓誌

墓

□故太原府太原縣丞蕭府君墓誌銘

并序

公諱令臣字禎之蘭陵人也微子嗣殷源以之遠郁侯相漢流以  
之長至獻為中書令徙居蘭陵代有懿德曾祖岑梁吳王祖瑾永  
脩侯隨親衛大將軍父凝趙州司功左授雅州廬山令公生稟淳



和靡德不鏤孝友資性直方立身若貞松高標良玉發潤俗不可  
得而黷也代業不墜祖德聿修出入無違餘力成學至於六經心  
始之道九鑰凝神之術四禪絕謂之教罔不精該洞與心悟常曰  
吾遠祖漢相國何每僻陋安宅曰若使後代賢師吾之儉不賢無  
為勢家所奪又外遠祖大尉震云無廣室宇使後代知吾清白吏  
子孫耳欽若二祖之訓克舉百行之美至我年弱歲丁廬山府君  
憂泣血絕漿幾於滅性鄉閭遠迹無不嗟服解褐荊州當陽丞德  
禮變荆衡之俗改授汾州介休尉直諒成汾晉之風秩滿從調會  
府屬冢宰氏大練多士尤旌書判密名考覈亦人以公判入第二  
等超授北都太原尉美才也累遷太原丞寵政也噫天縱其能而

不與其壽以久視元年正月九日遇疾啓足於太原之官舍春秋  
五十六公體惟真素行實高邈業固豐碩器則冲深抗節加乎弄  
倫立言成乎不朽誰謂與善曾不遐齡壯志溘於白駒遠圖歿於  
黃綬悲夫夫人南陽張氏鄆州刺史偉度之孫洺州長史越石之  
女祔若婦德克閑有家宣昭母儀撫訓孤嗣義方既著棠陰不留  
以開元八年六月十三日終於河南縣政俗里之私第春秋六十  
四以開元廿三年二月十日遷祔於清風鄉安樂里之舊塋禮也  
長子寬濶州濶陽主簿不幸早世次子寔幹盡用譽丕烈克楊孝  
感終身哀荒罔極於戡茫茫天壤鬱鬱山河積餘慶之無窮知子  
孫之逢吉銘曰

殷臣播德漢相流慶才賢繼軌子孫其盛矯矯高節忠孝自然安  
仁體道知命樂天莅彼二邑人以康理聿來汾京獨擅其美牧卑  
晦迹志匪伯榮天假之才而奪其齡玄堂神邃貞石載刻萬古千  
秋潛靈紀德

右墓誌云微子嗣殷源以之遠鄩侯相漢流以之長至帝為  
中書令徙居蘭陵曾祖岑梁吳王祖瑾永脩侯隨親衛大將  
軍按新唐書宰相世系表蕭氏出自姬姓帝嚳之後商帝乙  
庶子微子周封為宋公弟仲衍裔孫大心平南宮長萬有功  
封于蕭子孫因以為氏其後楚滅蕭裔孫不疑為楚相春申  
君上客世居豐沛漢有丞相鄩侯何二子遺則則生彪字伯

文諫議大夫侍中按史不云為中書令以事始徙蘭陵丞縣十七世至  
整整第二子鎰為齊梁房初祖三世至順之順之第二子即  
梁武皇帝也誌文構述祖初淵源一脈非若它誌侈陳門閥  
作無謂攀附者周書蕭岑州營傳初封河間王後改封吳郡  
王營弟八子字智遠位至太尉隋文徵入朝拜大將軍封懷  
義郡公唐宰相世系表蕭氏齊梁房岑吳王下有璿球瑁而  
無瑾史固多闕文也誌云丕烈克楊楊州字隋已前从木唐  
人誤从才戰國策魏一求其好掩人之美而楊人之醜者而  
參驗之則非州名亦从木矣与此誌用楊作楊政同宋无名  
氏寶刻類編有蕭令臣大足元年自書其父濮州長史蕭珪

碑此別一蕭令臣姓名同時代亦不甚相遠也

董靜志造象記

并象高一尺四寸廣七寸四分記刻座下十一行行五字至八字不等正書

上柱國董智昭制授貝州司馬唐開廿三年七月卅日身故妻春景雲二年十二月十四日身故男靜志合家等為造石像一鋪普為法界衆生皆得利告見在眷屬供養

記刻唐開廿三年案古無唐開年號應是唐開元廿三年漏刻元字觀下景雲二年可見蓋其妻前卒二十餘年矣制即制字貝州屬河北道即今廣平府清河縣也以司馬州佐而得第一等勳級盛唐時即已如此

趙壽墓誌銘

石高廣各一尺三寸五分十七行行十六字正書

大唐故趙君墓誌

君諱壽其先邯鄲□□固本分攸今為相州湯陰縣人□□  
主□□居於山水丘園為生長□□□祖表三代嚴威百年休  
迹呈其言□□於閭里夫人清河張氏夙植天□□□訓蘭  
儀內孰蕙問外揚春秋世有□□金夫四德有聞□□千仞尊  
□□□□資□養為素□□則次不□□□□□□引  
逝川□□□夕夜□□□□□□廿□載□心絕俗□□  
□□□□□□思克成禮歸宗□而□□西□□□懷溫清畢



非冬字則必閏字故要當以閏十一月為定默念辰字亦略似亥字而二十三年歲次乙亥因攷本紀果於是年書閏十一月壬午朔日有食之以此證碑遂無不合乃知此二十字乃開元廿三年歲次乙亥閏十一月壬午朔三日甲申也其開元上似粵以二字並識以存之書體極類蘇靈芝惜存字無幾耳

邵真及馬夫人墓誌

有蓋

石高一尺二寸六分廣一尺二寸八分十三行行十三字正書

邵君墓誌

蓋正書

維大唐相州林慮縣故土邵府君仕馬夫人墓誌銘并序君諱真



一真魏郡人也曾祖父馬大將軍父任益州刺史魏郡安陽開元  
廿四年十月廿六日壬申故人邵字□姜馬幼備女巧長閑婦德  
共勤孝敬和合軌儀哲人不壽薨及秋風十月廿六日終於私室  
開元廿四年歲次丙子十月丁未朔廿六日壬申合葬於李村北  
一里平原禮也嗣子恕山海遷窆題壁記何而一且祔人垂壽遠  
寂寥泉扃獨守名存歿千齡孤子連環造墓誌也

右誌書不成字且敘述無次蓋全不識丁人所為除幼備女  
功六句語較明順當由他人代擬外其餘錯見疊出皆不可  
解內稱曾祖父馬大將軍據唐書馬三寶傳三寶於貞觀初  
拜左驍衛大將軍李愬傳所載凌煙閣功臣則作左領軍大

將軍然則其曾祖父或即三寶慮當是慮字之譌林慮安陽均屬相州相州即故魏郡故此於林慮上繫以相州安陽上繫以魏郡當是官安陽時尚稱魏郡未改相州也然標題既稱相州下又稱魏郡人則仍是州郡並舉矣武德元年改蜀郡為益州天寶元年始復為蜀郡此誌在開元中而敘其先人則以益州刺史名官計時亦合

張夫人元氏墓誌

紙高寬各九寸七分六行行六字字後一寸正書有方界

大唐京兆府好畤縣尉裴故夫人河南元氏權殯墓銘開元廿六年九月十一日掩坎

韋必復墓記

執高一尺一寸二分廣一尺一寸一分五行行六字至九字不等字徑八分至一寸八分不等正書

韋必復字安和高祖彭城公曾祖台州刺史祖巴陵縣令父未仕  
開元廿七年五月廿一日終

韋必復之先世記但書其官而不著其名与北魏皇甫麟吳  
高黎司馬景和妻北齊公孫祐墓誌例同唐永徽六年呂夫  
人張氏墓誌亦用此例按新唐書宰相世系表韋氏彭城房  
澄字清仁綿州刺史彭城敬公玄錫台州刺史与必復高曾  
官位政合唯据表彭城台州屬祖孫据墓記彭城台州為父  
子表於世次往往有誤當以記為是也

崔玄隱墓誌銘

石高廣各二尺微強二十五  
行行二十五字有界格正書

大唐故朝散大夫檢校尚書比部員外郎博陵崔府君墓志銘并序

公諱玄隱字少嶷博陵安平人也漢汶陽侯仲牟廿四代孫燕秘  
書丞懿之後英懿弁世休列冠時家諱備詳國史昭著曾祖封胤  
北齊安東將軍濮陽太守祖孝康隨長平郡陵川縣令父世標唐  
饒州司戶叅軍婺州龍丘縣令宰邑清理將軍□城通德惟高象  
賢不墜公即龍丘府君第二子也庭習鍾鼓家傳禮儀敏洽天成  
詞華代許射策擢第拜揚州大都督府叅軍行□專城譽流江國

無何制舉授許州司戶調補汾州介休縣丞轉□州司功叅軍時  
厲求賢對楊居取特授右補闕俄遷尚書比部員外郎弼違獻可  
抗議雲階含香握蘭騰芳星署尋加朝散大夫行本職也公開物  
和義貞固幹時負鼎之說未昇遷舟之灾奄及以萬歲通天元年  
八月十九日寢疾而終春秋六十有四歸窆於衛州衛縣北宮唐  
村北一里夫人賴川陳氏陳世祖文皇帝四代孫文州刺史昭列  
之女也鳳樓早謝龍匣先沉權殯於宮唐村北雙墳相次禮祔未  
終長子諶朝散大夫徐州蕭縣令次子誦華州司法叅軍痛結九  
原志惟再舉光陰不駐霜露俱凋第三子朝散大夫行永王府記  
室叅軍詎早歲閔凶幼丁偏罰昊天不弔未冠而孤哀結蒼穹□

深同極既盡開壺之泣還思負土之勤以大唐開元廿七年□□  
己卯十月庚申朔廿六日乙酉遷厝同祔于宮唐村北三□□也  
庶桑田未變封樹知歸成寢西階於紀猶在銘曰

炎帝□□太公華胄鸞鳳羽儀衣冠領袖將軍威武作□□□□  
曹□懿垂裕後昆降及顯考家傳餘慶禮以閑身學而□□□□  
對□結□參□蘭薰雪瑩菊茂霜明玉階超舉仙臺□□□□  
微輔仁何昧□衡未陟霜□先背頽頽好仇孤墳相對嗟□□□  
卜北初成西□□祔東麓闢塋悲風長駛瓏月空明

按唐書宰相世系表崔氏出自姜姓齊丁公伋嫡子季子讓  
國叔乙食采於崔遂為崔氏季子十五世孫意如為秦大夫

封東萊侯二子業仲牟業字伯基漢東萊侯此言仲牟漢汶陽侯為表所未及又世系表博陵安平崔氏仲牟生融下推至懿凡十八世此云廿四代據譜而言也崔君之曾祖祖父史俱無考所歷郡縣官職與今史志亦無異同唐書百官志大都督府叅軍事五人正八品下按叅軍事掌出使贊導唐制大都督有兼刺史者崔贊導得宜故有行滿譽流之稱唐書選舉志天子自詔曰制舉所以待非常之才崔蓋應制舉後由外官內轉尚書郎也含香握蘭皆尚書郎事見漢舊儀諸書又按宰相世系表陳世祖文皇帝之後有名察者官文州刺史此云昭列當是其字夫人為文州之女稱字所以示

尊也崔君諸子俱不見唐書惟世系表安平崔氏有證字若  
虛官太子賓客證証同字永王璘以開元十三年封記室參  
軍掌表啟書疏璘以謀逆敗証當留官京師終於太子賓客  
也僅此二事略可取史為證開奩用後漢書陰皇后紀中事  
殊嫌其僭

銀青光祿大夫王行果殘碑

碑僅存片石似係前段高處約一尺四寸八分廣九寸五分字  
徑一寸有界格分書

上缺 銀青光祿大夫太 下缺

上缺 不謀於食而謀於 下缺

上缺 尸以端其源高山四成 下缺



上缺名不隕六代祖叡後魏尚書令下缺

上缺東徐州別駕北豫州司馬祖元季下缺

上缺明兗州刺史上柱國府君間氣茂下缺

上缺司上名缺缺母及□□下缺

此碑形製似甚鉅惜僅存片石幾致姓名不傳幸其先世官諱尚存有可據以攷見者碑首行存銀青光祿大夫字第四行有云六代祖叡後魏尚書令第五行存景徐州別駕北豫州司馬祖元季十三字第六行有岷州刺史上柱國等字攷後魏尚書令名叡者有二人一曰陸叡一曰王叡魏書皆有傳陸傳載叡太和十六年除尚書令母憂奪情起復仍行尚

書令高祖大考百官尊數尚書令祿一周帝紀載考績事在  
太和十八年計官尚書令不為不久然攷唐書陸氏諸傳及  
陸氏宰相世系表則皆與碑不合惟王氏世系表所載宰相  
王峻先世自數以下官諱悉與碑符以世次計之乃知此為  
王行果碑而其子峻為父建立者也行果官長安尉表與峻  
傳同此所題銀青光祿大夫太□蓋峻官此時所贈本傳載  
峻進太僕少卿隴右羣牧使開元二年以功加銀青光祿大  
夫清源縣男兼原州都督碑太下字缺當即係太僕少卿峻  
官此在開元初年以所書贈官證之是其父之卒必當在開  
元初而碑亦即是時所建矣魏書王叡傳載叡於太和四年

遷尚書令進爵中山王卒謚曰宣并載其孫忻官謚均與唐書世系表合惟叡子襲官謚則二書互有異同碑於尚書令下當復敘叡爵謚且必并及襲忻蓋皆在斷缺中矣據表則子景乃行果曾祖碑當云曾祖子景今景字上皆缺魏書載忻子子暄而不及子景既屬脫漏世系表載子景為北豫州司馬而不及徐州別駕似亦未詳今既可據表以補魏書復可據碑以補表矣攷徐州永熙二年以後地歸於梁北豫州則東魏天平元年始改是子景為徐州別駕當在永熙以前官北豫州當在天平以後其人固當東魏時也表但舉其所終之位碑并敘其在前之官耳表稱元季隋大中正開府儀

同三司今元季下皆缺此又可據表以補碑者碑書岷作岷  
又缺其山旁幾於難識但唐時州名其右旁無作氏者固知  
是岷字因避諱改書如昏字今皆作昏亦必由唐人避諱始  
也岷上似是朝字句當云皇朝岷州刺史敘父官位始稱皇  
朝則其祖尚未入唐可證世系表書隋之確表於行果上格  
書有方岷州刺史峻傳亦稱祖有方奇之以是得知其父名  
此又可據表以補碑者惟上柱國則表所未載又當據碑補  
之然則此碑雖僅存數十字而其姓名官爵及家世勳閥具  
可攷見且可補史之闕文蓋亦幸矣魏書王叡列於恩倖傳  
之首其子孫既不恥以為祖而其後且累世貴顯至唐猶為

名宰相豈天道固福淫人與

姚阿胡造天尊像座

石高三寸一分寬八寸兩旁各鐫狻猊形中間字三行前二行  
行八字末行十一字字徑四分強弱不等正書

弟子姚阿胡為亡母敬造石天尊一鋪□□廿六年十二月廿一

日遠

右造像記廿六年上二字泐甚不可辨攷紀元編自南北朝迄五代唯唐開元逾廿六年它皆不逮此數因定為開元細審鋪字下泐形亦略似開字

旬齋藏石記卷二十四

唐八

陳令望造蜜多心經碑

碑高三尺廣一尺五寸十五行行二十字正書

潁川陳公蜜多心經碑

正書題額

經文不錄

天寶元年四月八日河北道宣慰使朝散大夫守內侍陳令

望造

右側 兩側俱正書

咸雍二年三月二日

下勅  
缺

山

賈得妻史氏

法是法重

弟永積香花共

一切諸佛 有女

簫

左側

上缺 寺尼善妙

上缺 念上普果 建德

子佺

辛澤用妻王男達女

碑陰 正書

中都□興府永清縣合河村都維那劉天甫妻張氏合家管花嚴  
□內金佛一千五十三尊蓋一條

當縣象亭村馮阿張兒婦嚴氏共施錢壹拾貫文蓋一條

當縣李阿王施錢伍貫文 當縣陳阿潘施錢叁貫文

當縣趙阿吳施錢二貫四伯文 當縣張阿王施錢壹貫文

當縣定戒師施錢伍伯文 當縣蘇法照施錢三伯文

當縣蘇翊施錢三伯文 當縣王阿畢施錢三伯文

當縣陳阿蔣施錢三伯文 當縣李院使施錢一伯九十文

□□十□□□四月十五民建

碑上截自左角至右斜斷經文約缺四十字碑側係遼人題  
名咸雍道宗年號也碑陰年號殘缺然中都下當是金字金  
主亮貞元元年定都燕京以燕乃列國之名不當為京號乃



金石錄卷之二十一  
二  
改稱中都大興府則以中都大興府之名證之知為金人所  
題無疑永清縣則自天寶元年改名至宋景祐二年併入文  
安縣及金而仍置者也

李元福妻鞏造像

石高三寸二分寬一尺五八分半十三行行六字末行八字字  
徑四分至五分強不等正書有直格

天寶元年十月二日李元福妻鞏為身應願造阿彌佉石像一區

男賓晃 妻阿壬

男婦兒 妻阿張

孫男有迪

孫男有莊

女二娘 男史婆

合家一心供養書名人宋景濱妻史三娘一心供□

此造像記末署書名人姓名兼及其妻亦石刻例之塵見者

崔府君夫人獨孤氏墓誌銘

石高一尺二寸八分廣一尺二寸六分二十三行行二十三字  
界有棋格正書

大唐故奉義郎行洪州高安縣令謨軍崔府君夫人河南獨孤氏  
墓誌銘

并序

夫人河南人也父諱奉先果州長史蜀國公純粹英靈傳之勝古

祖姑三代作配

君王蜀公即

唐初

元貞皇后

之故梁王信之嫡孫也

卷之八

聞



其宅此歲時不便未得遷祔

先塋不謂存者生疑實恐未安泉路今且於

府君塋西北一百五十步得地以十一月二日庚時權安厝

於長安縣義陽鄉義陽原禮也昔吳雄葬母不擇地而塋今季梁  
所封有同於往日嗚呼哀哉至通年擇日遷祔於先塋季梁自鍾  
艱罰觸緒崩摧悲不及文帙力銘紀

仁包四德誠信百齡月懸星署名其永貞其一世間難事為□繼親

始終如一憐念日新其二萬象有類天地無依陟彼岵岵哀荒失

儀其三尚存餘喘將以送終刊石玄壤傳紀無窮其四

天寶二年十一月二日長子朝議郎通事舍人季梁修并書  
右誌言夫人父奉先果州長史蜀國公奉先唐書舊唐書外

戚傳均無其名周書獨孤信傳信長女周明敬后第四女元  
貞皇后第七女隋文獻后隋及皇家三代皆為外戚自古以  
來未之有也誌言祖姑三代作配君王指此舊唐書外戚傳  
獨孤懷恩以謀叛誅不言有封蜀國公者周書及北史獨孤  
信傳俱言隋文帝踐位追封信趙國公此之梁王當為唐高  
祖追封外祖之稱而史特未著據石以補史此其一也唐書  
宰相世系表博陵安平崔氏第二房有大方名海州刺史與  
誌合宋敏求長安志朱雀街西第四街南有嘉會坊唐人諸  
誌坊里互稱嘉會坊即嘉會里也誌文為其子季梁所撰唐  
書百官志東宮官有通事舍人正七品下內供下當是奉字

太子官屬無內供奉之名惟翰林供奉設於元宗開元與此不同誌以夫人未祔先塋因存者生疑改葬他所應是徇形家言有此忌避義陽鄉長安志有此名在長安縣西南二里誌言葬以庚時錢竹汀少詹金石文跋尾憫忠寺條下云遼金石刻之文多有甲時乾時庚時坤時此之庚時已在遼金之先為少詹所未見後漢書郭躬傳附吳雄言雄少時家貧喪母營人所不封土者擇葬其中此誌即隸其事而取譬甚合撰文及書皆為其子此亦一例誌中擡頭空格與今世較為加敬想其書時固不勝哀慕矣

陳周子墓誌

石高一尺一寸一分半寬一尺一寸二分強十八行行十七字  
字徑四分正書

大唐故五品孫陳府君墓誌銘 并序

潁川陳氏子諱周子丁內艱再月號泣過度天寶二年十月廿四  
日春秋廿不勝疾而終同以其年十一月十四日龍集癸未陪母  
氏吳興 沈夫人葬于壽安積善鄉之原禮也噫固尔文詞  
崢嶸翰墨操札勢絕絳思致奇雖學植未周而靈機頓啓才有擅  
於豐廉體頗長於閑逸爵祿可謂以觀察吉凶遂迷其間與方期  
國華倏墜家寶若譙和仁愛友悌宗親又不覩其親踈矣近覽班  
史名氏不遺幼善牙琴絃徽必叩每良辰清夜繫於手則山水在  
側聆於耳則音韻入懷亭之千金不可復見然卜商豈按於一過

季子安止於三彌哉其所製雜詩及至人無心數賦共一卷并漆  
琴一張寘乎榻側盖尔請也父洛陽縣尉齊卿述焉銘曰

有神孰宰無罪何殃室家殍悴蘭桂銷亡墳□□列母子相望一  
朝歡愛萬古悽涼

列上似是松成二字松字公旁一點尚存成字  
戈旁亦未全泐

右唐陳周子墓誌標題稱五品孫蓋祖任孫之品級也唐制  
三品已上任曾孫五品已上任孫孫降子一等曾孫降孫一  
等贈官降正官一等死事者与正官同見新書選舉志顧亭  
林金石文字記有澤州府主簿梁府君并夫人唐氏墓誌銘  
四品孫義陽朱賓撰文五品孫榮陽鄭莊書唐武后垂拱四  
年十一月也則是謨書人揭銜亦有同此例者開元十四年



陳憲墓誌云嘗著中道通教二論注周易撰三傳通誌廿卷  
集內經藥類四卷合新舊本草十卷竝行於代王芑孫碑版  
文廣例引之以為後人碑誌臚載其人著謨之所始此墓誌  
云其所製雜詩及至人無心數賦共一卷稱述著謨與憲誌  
例同唐雲麾將軍李思訓碑李北海撰並書思訓以回擅名  
世稱大李將軍而碑中祇述厯官行實略不及其繪事廣例  
引之以為碑版不敘書畫藝能之例竝謂唐賢擇言謹重如  
此此誌稱周子幼善牙琴所製漆琴一張寘乎楸枰蓋思訓  
事行多可紀述不必侈陳藝事周子英年殂謝唯茲事為可  
傳不得不引以為重非不知擇言之當謹重也誌不敘周子

三代唯其父之名見於序末亦例之變者學殖即學殖殖殖  
誼通論語賜不受命而貨殖焉丹徒陸君獻云貨殖乃貨殖  
也有土十畝即無貧法

索思禮墓誌銘

石高廣均一尺八寸五分二十三行行二十五字界有棋格正  
書

大唐故左清道率忠武將軍敦煌索公墓誌

公諱思禮其先敦煌人也以地為一方之性當晉有五龍之号盤  
礴萬里長河一曲子孫相繼誠復于茲則知夫人應是生賢資其  
受猛贐食肉以□飼雄諒其於時我何多矣公 唐元時有功

遇

飛龍主定應謀策當姦雄儼々幾仆生命公眈々其視良

謂有疇其仁勇其義壯事之經緯公自由尔况公厯班資九悃竭  
有三一曰殉公忘私忠也二曰不同合謀誠也三曰與朋友敦而  
不悞不欺重也曾達不仕以道養高孝昭厥靈祐以遺家代  
皇贈隴西郡司馬公忠武將軍左清道率府率代天衡命以成王  
業故曰活人者有後陰施者必封無謂漢代修盟事歲王府而君  
子至心寔繁有勲自公之任有 詔特加檢校馮翊郡沙苑監  
三馬坊使并營田使有日矣倉庾丘積雲龍滿山以公之考庸則  
有司為怯以公之轍可則王臣謇諤何當正位逆傳五行更王膺  
期受有清明備躬莫干他以有求必下人而服物噫乎曷天不吊  
無愆於公天寶三載二月十二日不怛化于長安以定里之私第

享天寶三載八月十二日殯于京兆龍門鄉之禮也嗚呼公有三子長曰賓仲曰獻季曰言一雄而武兩冠乃仕其長也約其仲也父其季也壯泣血茶內撫孤鬼絕以知夫死命於主者為忠友竭其性者為孝人之二事三子有焉哀榮之由洎茲乎畢乃尅貞石以其誌之詞曰

碩哉公乎性資懿乎有大人之量而位卑有柱石之心而負孤胡天不憖為而被謀厥老公之良圖下人曰賢膺時曰用非常曰跋長城曰統公之有焉以茲為重公乎公乎邈千載之壯氣誠帝王之一勳

右按舊唐書職官志東宮武官有左右清道率各一人正四

品上掌東宮內外巡警之法忠武將軍亦為正四品之武散官晉書索靖傳燉煌人與鄉人汜衷張翹索紉索永俱詣太學馳名海內號稱燉煌五龍誌云當晉有五龍之號指此又云盤礴萬里長河一曲按水經注河水篇河水屈而東北流逕析支之地是為河曲東北厯敦煌酒泉張掖蓋河至此作一曲故云思禮所侍東宮乃元宗時事所云唐元時有功元下奪去宗字思禮預於平太平公主之亂其云姦雄儼儼幾仆生命公眈眈其視其仁勇其義壯當是力衛元宗不為賊黨所誘其功有足多者據通鑑先天元年太平公主依上皇之勢與上有隙與竇懷貞蕭至忠岑羲謀廢立令元楷慈以

羽林兵突入武德殿懷貞至忠義等於南牙舉兵應之上乃  
與龍武將軍王毛仲奉御王守一內給事高力士果毅李守  
德等定計誅之此乃親侍與於討亂最有功者而無思禮之  
名誌言殉國忘私不同合謀必大有可稱惜史佚其事猶賴  
片石發其幽光於以見忠貞之不可遏也誌云有詔特加檢  
校馮翊郡沙苑監三馬坊使並營田使按舊書職官志沙苑  
監掌牧養隴右諸牧牛羊新書兵志儀鳳中以太僕少卿李  
思文檢校隴右諸牧監使監牧有使自此始後又有羣牧都  
使有閑廐使又立四使南使十五西使十六北使七東使九  
以統諸坊誌所云三馬坊使疑是特設不在以上諸使之列

沙苑監并營田使者通鑑開元七年以左武衛大將軍檢校  
內外閑廐使苑內營田使王毛仲行太僕卿是監牧必兼營  
田使而思禮能致倉庾邱積雲龍滿山則其功又高於毛仲  
重之以定難效績既不克與王守一高力士並著姓氏又不  
得與王毛仲之盛邀帝眷載在史冊幸有此誌與茹守福並  
傳於金石家之考訂文字亦思禮之宜不沒也武虛谷金石  
記守福墓誌云開元祚興選舉尤甚特進王毛仲召為監牧  
牧部使判官於是隴右巡檢頗為僞職惟守京苑總監而  
思禮尤以忠勳著則又非守福可比誌文多謬澀不可盡以  
句投屬讀然思禮立身之大概已可具見安定里見於宋敏  
求長安志惟龍門鄉長安志萬年長安兩縣下皆無其名欲

窺思禮者固當於邈千載之壯氣誠帝王之一勸求之耳此誌敦煌之敦不作燉與漢志同應劭注敦大也煌盛也作燉者乃俗字

諸葛明愬夫人韓氏墓誌

石高一尺八寸六分寬一尺八寸二十四行行二十四字字徑五方正書有墓格

大唐故人諸葛府君夫人韓氏墓誌并序

原夫蜀王貴冑根英與金絲雙□神氣精粹先宗迺帝位之次下逮葛僅為九江侯三閭大夫其孫葛雉川為蜀中散大夫十七代孫諸葛韶顏齊任光州太守荊州別駕諸葛珪八代孫諸葛崇昌錦州太守鷹門郡主入為弘文觀學士曾祖良卿齊朝將仕



郎夫人數氏 祖君尚赤縣尉國子博士漢州長史夫人仇氏

君諱明慈樂道止園逍遙風月池臺陰德琴酒撫懷放曠閑居釋  
悶而已夫人韓氏早閑婦禮淑譽聞儀堂堂然千古流芳濟濟然  
萬秋明鏡遂使神龍兩劍前後俱沉儀鳳雙栖一時零落嗣子嘉  
亮過庭不闕習礼無虧故能孝悌力田和睦上下女大娘等冰清  
潔已貞順無虧名播於漳濱志同列女其餘斛類而長堅乎竹栢  
妙叶幼儀長閑高節耿耿乎獨步河朔抗節乎雅超昇於炳毅挺  
和聲於庭範嗚呼豎金干於門首立備葦於雲族古注今來邈矣  
悠哉君子道窮滋瀝徘徊賢士茲宅太山其頽乎賢婦茲久梁木  
其摧乎大地淪於積水高天銷於炎火優哉悠哉聊以卒歲以天

寶四載歲次乙酉十月乙酉朔廿五日巳酉以其年月日葬於故  
零泉縣西北一里半平原礼也有古人之風寔先王之桑梓左極  
滄海右履行山前眺零泉之壠却俯洪崖之壩考茲浚壤建此墳  
塋慮以陵谷會遷桑田改鑿刊石勒銘迺為詞曰其一英秀雲枝  
奇精異竭永處自居柳楊特絕樹似山峰墳如大別錦列西樓銀  
兀粉雪 文武之道盛光於試宣義鳩軒龍騫鳳峙天生鼎族  
衆諸襲氣齊通即墨趙讓平原韓之德威振八藩臨宜制嚴席視  
中原□龍同穴方古千年 堦先天□□十二月七日辛 批開元十七年十二月廿九日辛

誌敘諸葛君之先世並於史籍無徵唯諸葛珪与武侯之父  
同名見蜀志武侯傳恐亦別是一人也誌云葬於故零泉縣西北平

原新唐書地理志博州博平縣武德三年析置靈泉縣四年  
省併入博平均會零通作靈丁零史記作丁靈縣己省併故  
曰故零泉縣也

潘智昭墓誌

石高寬各一尺四寸九分二十一行行二十一字字徑五方正  
書有碁格

唐故吏部常選廣宗郡潘府君墓誌銘 并序

遠國流芳楚大夫汪之緒也洎乎晉葉黃門侍郎岳之循矣韋

唐運龍驤俶紫耀武曾祖仙壽識叶 天謀輔翼左右拯濟

塗炭永宣邦社拜銀青光祿大夫儀同三司九原郡守祖觀太中  
大夫行司津監父元簡積學成業溫恭允克仁惠鄉閭博通今古

弱冠明經擢第吏部選君名智昭字洛京北華原人也幼年聰敏  
識用多奇曰誦萬言尤功書筆甄別寶王性閑技巧好歌詠事王  
侯此乃君之行也君之明也也字昭養親純孝甘脆無虧交遊克  
誠信道曰益友于兄弟共被均衣見善必悛歸心三寶君之孝也  
君之仁也曉陰陽義通挈壺術事瞿曇監侍一行師皆稱聰了委  
以腹心君之德也君之能也掌曆生事習業曰久勤事酬功授文  
林郎轉吏部選時載五十有六運薄陵遲降年不永嬰疾累月藥  
餌無微病甚曰篤終于其家嗚呼生分有涯逝川長沒備凶 習  
吉兆以戊子歲實沉月五日癸酉殯于長安龍首鄉禮也有子五  
人順也運也訓也慎也俊也昊天四極泣血如流恐代久陵夷高

崖為谷孝心遠紀式刊銘誌

長原孤墳松檟蕭森刊石遐紀流芳德音  
泰山其頽梁木其摧五子荼毒追慕增哀

天寶七載七月五日景時

潘府君名智昭字洛京兆華原人誌歷敘其上世云楚大夫汪之緒也左氏傳楚有潘尫賈氏注楚大夫師叔字今誌作汪與傳文不合又智昭祖觀太中大夫行司津監唐書百官志龍朔二年改都水監曰司津監使者曰監以是推之觀行司津監即其為使者在龍朔以後也誌內戊字缺畫又書景時景時者丙時也時皆用支此獨用干他文亦不見惟北齊書南陽王綽傳

有景時 武億授堂金石跋

按碑題唐故吏部常選廣宗郡潘府君墓誌銘諸墓誌從未有以郡望冠其姓而題于前者此為異例潘氏之先廣韻云周文王畢公之季孫食采于潘因氏焉出廣宗河南二望此碑題廣宗則不與河南同系而文又云黃門侍郎岳之允岳為滎陽人是河南望矣通志氏族畧云潘氏芊姓楚之公族以字為氏潘崇之先未詳其始或言畢公高之子季孫食采于潘謬矣廣韻通志二說未知孰是碑載曾祖仙壽祖觀父元簡史俱無傳仙即佛字梁天監時京口甘露寺鐵鑊文佛殿作仙殿碑述君事蹟無他長止于功書算別寶玉通挈壺術以掌歷生事授文林

郎轉吏部選唐六典太史局有令其屬有司歷靈臺郎挈壺正  
有保章正掌教歷生三十六人同流外八考入流碑稱君掌歷  
生事習業日久勤事酬功則是以挈壺術充歷生八考入流而  
授文林郎也碑又云事瞿曇監侍一行師舊唐書方技傳一行  
精歷象陰陽五行之學開元五年強起至京置之光大殿則賈  
君之侍一行在開元五年後矣碑云以戊子歲實沈月五日癸  
酉殯後題云天寶七載七月五日景時天寶七載為戊子歲禮  
記孟夏之月日在畢注云孟夏之月日月會于實沈是實沈為  
四月然通鑑目錄天寶七載四月庚子朔五日癸酉  
七月己巳朔五日正是癸酉則碑云實沈月者所未詳也葬日

書時而用干僅見此碑癸酉日丙時乃丙辰也王昶金石萃編  
右史部常選潘智昭墓誌銘在長安縣碑稱曉陰陽義通挈壺  
術事瞿曇監侍一行師新唐書藝文志大唐開元占經百二十  
卷瞿曇悉達集又歷志九執歷出於西域開元六年詔太史監  
瞿曇悉達譯之此稱瞿曇監者即其人洪頤煊平津讀碑記

智昭銜曰史部常選蓋史部選人未經受職之稱其先世曰楚  
大夫汪之緒即左氏傳楚潘筮借汪作筮也曾祖佖壽佖即佛  
字祖觀行司津監龍朔二年改都水監作司津監通挈壺術侍  
一行師唐六典太史局有挈壺正掌教歷生三十六人唐書方  
技傳僧一行精歷象陰陽五行之學開元五年強起至京置之



光大殿智昭掌歷生事正其時也誌中戊作戊罔作罔黃本誤古誌石

華

右墓誌授堂武氏跋云景時者丙時也時皆用支此獨用干  
它文亦不見唯北竺書南陽王綽傳有景時按古石刻以十  
干紀時者絕無武氏未之見耳姑就書丙時者臚舉之唐普

照寺陀羅尼經幢寶曆元年四月二十三日丙時在濟甯吳從

諫等造陀羅尼經幢景福元年十一月二十一日丙時在固安褚

林大宋易州定意寺勅修佛殿兼裝塑功德記開寶八年十

月十一日丙時杜仁為兄造陀羅尼真言幢紹聖三年七月初九日丙時文鑒師塔幢宣和乙巳四月二十三日丙時王

士宗造破地獄真言幢宣和七年十一月壬申日丙時遼頭陀寺靜大師塔幢應麻十一年四月八日丙時馬令欽等修塔記統和十四年三月十八日丙時又統和間李守英李翊造陀羅尼幢皆書丙時又按論語書云孝乎惟孝友于兄弟施于有政漢石經乎作于包咸注云孝乎惟孝美大孝之辭今石本乎乃作于狀則孝于惟孝句友于兄弟句施于有政句法政相同也今人誤讀書云孝乎句惟孝友于兄弟句失古誼矣此墓誌用友于兄弟句与古讀合可證今讀之誤金石家言往往輔翼經注此類是已

劉玄通姊比丘尼摩兒等造象題名

石高一尺三寸五分廣一尺五寸五分正書十四行字數不  
等

大唐天寶八載七月十五日建

大記主劉玄通婦比丘尼摩兒 妻郭男騎都尉元子男飛騎尉  
元貞元休孫鄉博士儀之二郎適之供養

施主劉思珍 妻夏侯男阿興孫先章先豐

太原王待貢妻李男仁旭妻劉孫主仁

施地作義井主趙仁琰 妻劉 男舅生妻劉孫男有威 孫女

比丘尼利念孫女仙女供養

清信士劉待舉妻齊男同貴男同靜貴妻祝靜妻薛孫男零超妻  
趙 零超零異姪女鵝兒女鴨子□該男零□零曜女大娘

清信士劉先育妻楊男舅仁妻□ 孫男□ 孫女大娘妻母劉  
唐官吏勲級五轉為騎都尉視從五品三轉為飛騎尉視從  
六品

薛義墓誌

石高寬各一尺八寸三分二十二行行二十四字字徑六分正  
書有墓格

大唐故冠軍大將軍行左龍武軍大將軍貞外置同正貞上柱國  
薛府君墓誌 公諱義字成河東汾陰人也昔奚仲居薛

仲虺相湯薛之所封其來遠矣三族仕魏蟬寃登朝一葉居蜀忠  
貞奉主曾祖魚亭亭高竦不雜風塵祖芝與時偕行聲名光國父  
知信以公之効贈安化郡都督府司馬公稟氣非常以虛受物少

習戎旅意候時須果 中宗葉恭北鷄竊命梟聲內發狼顧相驚  
公血氣方剛難易有備以懸布之勇隨 龍上天既拔立極之勲  
自取當時之貴河洛為 帝王之里蠻夷為貢賦之賓開國承家  
盛莫先也公玄駿新東朱紱方來解褐授絳郡長祚府左果殺自  
初任至冠軍惣十三政躍馬卅載春申有立楚之功食邑五百戶  
周勃有佐漢之力公駿馬疊跡朱輪成行每一命有加三捐而進  
河岳二豎不去秦豎徒良三牲豈虧已歲為夢以其天寶八載閏  
六月十日薨于西京長安金城里私第也春秋七十有二以其載  
七月廿八日旋葬于國門之西龍首原之禮也嗣子光太光俊等  
哀慟羸瘠悲感行路但恐筮短龜長山移谷變欲標壯士之隴須

識將軍之墓是鐫玄石乃作銘曰

奚仲居薛仲虺相殷三

族在魏一葉離秦晉傳清臧周有忠臣名芳青史質已黃塵乃祖  
乃考惟忠惟孝功不曰虛言無佞巧動靜寬猛溫良容貌舉之若  
鵠變之如豹漢有諫議唐有將軍令問令譽乃武乃文躍馬何効  
隨龍勲言行鐵石意氣風雲逝水不還往年無再生崖忽毀魂  
依冥昧月作添燈松為永蓋貞石有名傳之萬代

此志標題冠軍大將軍行左龍武軍大將軍員外置同正員按  
唐書百官志冠軍龍武軍屬員無員外以此志後文自初任至  
冠軍總十三政觀之知冠軍大將軍即薛義本官所云員外置  
同正員者如後世之額外候補非大將屬員也唐元和三年造

經幢稱雲麾將軍右監門衛將軍員外置同正員孟再榮建立是也志文云三族仕魏一茱居蜀按魏志王肅傳注有薛夏為秘書丞陳矯傳有薛悌為泰山太守唐書宰相世系表薛永從蜀先主入蜀生子齊蜀亡入魏徙河東汾陰世號蜀薛為河東望族魏書薛宗起所為辟戟者也志云授絳郡長祚府左果毅按舊唐志理絳郡有府三十三有長祚而無長祚祚形近足訂今本唐書之誤志文頗嫻雅而有意候時須果殊費解當是待時起行意書法規模北海而以何圖作河圖已為罕見至於私第下行也字龍首原下行之字隨龍動竟脫一字當是隨龍策勳當時書丹殊為不檢也

楊守敬士金金石跋

誌云少習戎旅意候時須句果中宗業隳北難竊命候待須  
用也言薛君少習軍旅意在待時效用耳果也中宗被廢武  
氏臨朝丁此效用之時下云難易有備即所以應時須也果  
字屬下句便不費解何圖作河岳河与何通廣雅釋水河何  
也詩元鳥景員維河箋河之言何也碩人河水洋洋楚辭注  
作何水油油漢童子逢盛碑無可奈河吳仲山碑感痛奈河  
隋龍藏寺碑彼亦河人何竝作河

裴夫人韋氏墓誌銘

石高一尺二寸三分廣一尺二寸一分十六行行十六字正書

唐故裴公夫人韋氏墓誌銘并序



夫人韋氏其先京兆人也 高曾近祖代有芳名 夫人門傳清  
德素之風規訓謹遵大家之教三從禮備四德有聞方登笄歸  
于裴氏奉事舅姑敬之以禮順從夫婿相待如賓外和六姻內睦  
九族正期撫育孤男不料遽疾肇藥無助于天寶八載六月二十  
五日奄終揚州江陽縣集賢里私第享壽五十有二生男女二人  
男曰伯源令名早著女適杜侍郎子孤男孝女泣血哀訴卜兆吉  
辰以九載十月六日葬在城東嘉甯鄉之平原禮也乃刻茲石以  
為之銘銘曰

蒼旻何□

纖及慈母

壠樹風悲

愁雲月苦

孤男淚血

無朝無暮

一開泉門 宛若今古

京兆韋氏本唐望族故誌稱其高曾近祖代有芳名其夫裴氏系出河東則亦當時著姓惜其祖與夫之名誌皆不書遂莫可得而考江陽之名北齊時曾以置郡隋初郡廢大業中改置江陽縣及唐初復省貞觀十八年復置屬揚州與江都並附州郭即今甘泉縣地也

李系墓誌銘

石高一尺四寸五分廣一尺四寸二分二十一行行二十三字  
行兼正書

故隴西李府君墓誌銘

并序

前崇文館進士栢成樸

君諱□字系隴西成紀人也氏曹之起煥乎方書周隨之先爵為

鼎族我唐之際幸稱 皇枝寶葉瓊根末之比也曾祖諱德穎  
皇僕等兗州刺史祖貞實 皇朝散大夫尚書工部員外太子舍  
人父庭訓 皇朝議郎濟南郡禹城縣令皆敏識靈臺英情天逸  
不然挺貞標之節油尔峻朗拔之風宣伯广平卒職有不傾之合  
料龍格正清能著齊價之名公即禹城之長子公行不執俗學嘗  
師心昂藏古風散誕自得須者府君宰化禹城之即世也公免權  
內疾厄毀外彰執禮三年加人一等時 太夫人携孤返洛侍從  
將行稽顙山門已泣高柴之皿板輿歸路甯忘閔子之心公樞令  
弟日兄弟二心足慰毋心墳闕千里星霜歲隸遂飭駕璋親及廬  
齊國且封且拊一十餘年天不報善殲于名賢天寶七載五月廿

日寢疾終於濟南郡禹城縣春秋卅八推殯於初君之塋側令而歸之孝有終也季弟啓府君之故陸忠公之墓殯天寶九載十一月十七日遷塋於河南府洛陽縣北印之南原新塋已矣嗟乎出身政戟青紫未就何奮志未立奄羅斯各誓沒身兮廬墓之右天無知兮及奪尔壽銘曰

天之降靈維公之生古之遺烈維公之哲妙氣穎秀奇峯卓□□彼脩篁外勁其節如波明鏡內含光潔嗚呼彼蒼殲厥□□□報其□□羅于殃殞齊國兮樹蒼々啓痛塋兮歸故□□□□兮洛之陽千年萬歲埋北印父子家兮遙相望遇□□□□□傷

右李系之曾祖祖父名俱不見於唐書宰相世系表其曾祖

官皇樸等兗州刺史當作皇濮兗等州刺史寫石者誤有顛  
倒系以父葬禹城送其母弟反洛獨至禹城廬墓十許年而  
沒誌言廵毀外彰及高柴泣血等語容有溢詞要其至性著  
聞亦非盡為諛墓之作斯其純孝為不可及宋子京於唐書  
孝友傳所舉孝悌名通朝廷者將二百人李君之名不著使  
後之撰郡邑志者無由采入幸有此石可供好事之一覽斯  
亦李君不幸中之幸也誌奄羅斯各各當作咎羅古本作羅  
此段氏玉裁之說誌中兩用羅字尚不誤也

錫齡案開成四年楊  
夫人墓誌銘亦作各

李君夫人崔氏墓誌

石高寬各二尺三十行行三十字字徑五分子正書有碁格

大唐故監察御史趙郡李府君夫人博陵崔氏墓誌銘并序

夫人博陵人也崔氏之先著在國諫河魴之喻歎美詩人雕龍之作擅名漢史語姻族之家共稱齊大敘少長之列不為任蒞曾祖行功秘書監祖景鄆縣令父仲容醴泉丞並垂裕多聞象賢不乏并祖玄暉神龍初立大功於國封博陵王讀班彪之文漢德斯在知緝戾之器劉氏必安由此諸宗以博陵為稱首矣夫人幼而敏晤動誠機微氣調精明天与淵順七歲讀女史十一就婦功豈纖絀組紃不撥事業將前言往行以成規矩秦晉足也歸我府君焉體從人之義得嘉偶之名敬則如賓禮猶行古宜其家室辟彼瑟琴況中饋克脩外言不入使六親取則二姓交歡閨門肅然如

不可犯 府君之履臺憲也以持斧之雄受登車之任江湖風靡  
既越星馳時霽威嚴亦由輔佐及 府君之沒世也夫人纔廿九  
矣位登柏署 朝廷嗟不慈之遺年若薨華中表切未亡之痛以  
世業在洛自西祖東長悲摯紹之孤不絕敬姜之哭一女在經綹  
三子尚嬰孩殆歷三時方誕季女蓋生人之至艱矣 夫人銜酸  
茹泣義深節苦屬家本好儉歲仍不登不馱糟糠不辟浣濯以身  
率下以悅使人屢報農收遂安反側而親授諸子夙興不怠能脩  
業者存以燠休未成功者先之夏□故累歲之後登孝廉者數人  
詩禮所至比之嚴父矣善乎 府君之世昆弟孝友 夫人之家  
上和下睦内外一體其教可知居有孟徒之賢行有班隨之賦積

善餘慶議者榮之自夫人之初筭也以府君素無怙恃乃歎曰幸承巾櫛不違舅姑徒習鞶紳之儀終無奉戴之日故睦娣姒以中義和親族以輔仁喪不踰節禮也勤則不墮智也能訓諸子慈也夫人有伯兄季弟長姊孤姪或死生契闊時命屯否拯之救懸常若不及事不跡而心已行此胡質清畏人知介推文不求顯此夫人之孝也有具美而降年不永哀哉天寶十載正月遘疾十二日終于東京仁和里之私第春秋六十其載十二月十一日辛酉葬於壽安之北原不忘本也初府君之殯也近在洛陽距夫人之喪卅餘年矣雖魯人之祔宜恭行於典禮而滕公之室懼多厯於歲時詢諸哲人且有後命愛子懿文不幸早世長子



前東海郡司法宅心次子前許昌尉居中茅倉卒無地充窮靡依  
雖而不言頗述先志其銘曰 長岑之消世擅雕龍先祖 子興  
缺之門如賓之敬其儀盛子穆伯既喪言歸於東禮由哀子歷訓  
諸子克成于學咸然角子就其祿養使有令名風教清子福善伊  
何莫踰中壽垂不朽子伊洛交會嵩印□複歎陵谷子思慕四極  
施及宗親類百身子合祔有期保茲同穴嗟永訣子

右墓誌不著李君之名以史攷之夫人李謐之妻也新唐書  
宰相世系表趙郡李氏東祖房謐監察御史後魏趙郡太守  
曾八世孫子懿後儀尉居中光祿主簿準常州司士參軍遇  
江都尉誌云子懿文不幸早世長子前東海郡司法宅心次

子前許昌尉居中懿文即懿表敍文字誌不著其官居中當  
是先官許昌尉後官光祿主簿宅心誌有表無準遇表有誌  
無當以誌為可据表或有敍謫矣夫人曾祖行功叔祖玄暉  
新舊唐書竝有傳舊書行功傳云恒州井陘人北齊鉅鹿太  
守伯讓曾孫自博陵徙家焉誌云夫人博陵人蓋從其本貫  
太宗朝命秘書監魏徵寫四部羣書將進內貯庫至高宗初  
其功未畢顯慶中詔行功與趙仁本張文瓘李懷儼同充使  
檢校咸亨中官名復舊改為秘書少監誌云行功秘書監與  
史合新書玄暉傳云博陵安平人少以學行稱叔父秘書少  
監行功器之長安三年授鸞臺侍郎同鳳閣鸞臺平章事宋

璟劾張昌宗不執事玄暉頗助璟及有司正昌宗罪而玄暉  
弟昇為司刑少卿執論大辟兄弟守正如此以誅二張功為  
中書令博陵郡公俄拜博陵郡王誌云神龍初立大功於國  
封博陵王亦與史合銘詞首稱長岑之胤按宰相世系表博  
陵安平崔氏自仲牟十世至長岑長駟大房崔氏駟少子實  
十三世至後魏中書侍郎當行功即當之四世孫也誌云幼  
而敏晤悟作晤與道因法師碑以才晤之奇又聰晤絕羣同  
又云秦晉尺也廣均匹俗作尺据此則唐人已通用矣